

QUA-SI & DUSHI BAND RIBA UN SOLO C.D. DI CARNAVAL "UNITED WE STAND"...

** Muy pronto e famia di Cristal Sound Factory, Qua-Si y Dushi Band lo lansa un disco compacto hunto, na unda lo aparece ocho tema carnavalesco.

Cada uno lo presenta nan cuater tema, cua mayoria a ser presenta durante e recien Calypso & Roadmarch Contest.

Super Orquesta Qua-Si lo presenta cu; **"Stand-up & Cheer"** (Tatoo), **Don't stop** (Tatoo), **T-Shirt wave** (Cesar), **Stompin' down**

the backstreet (Tatoo).

Dushi Band: **Buk** (Mighty Hippy), **Blind man** (Mighty Hippy), **Breain' away** (Caiso Teddy), **Arubianojam** (Grupo di Betico).

E produccion aki a ser produci y dirigi pa **Hildward Croes** y **Chucho Hoek**. Por a compronde cu e lote di e C.D. aki lo ta na Aruba den transcurso di otro siman y lo ta obtenible na tur e disco barnan...

DEN AMBIENTE



** Hildward Croes (producer), Rudy Peterson (cantante nobo di Qua-Si), Tatoo y Hubert Thiel....

AFRICAN PRIDE CAUSANDO FUROR DEN DEPORTE TAMBE...

** E fenomenal grupo di baile African Pride, ganadornan di e premio relevacion di aña "Den Ambiente Award 1995", a "steel the show" durante un torneo di softball recientemente.

Tabata realmente great pa mira e joven bailarinanan aki riba tereno, hungando softball contra e monsternan di Mike Disco. Apesar cu nan a perde contra e monsternan, toch nan a percura pa pone e monsternan di Mike Disco den un panico di "tembla spanta"!

Despues di e wega sumamente amistoso y agradable, nan a brinda e publico presente nan custumbra show di baile exotico, den cual nan a sa di ricibi un yobida di aplausoooo....



Segun Rumornan ...

VARIOS LOCUTOR DI CANAL 90 NA CAMINDA PA RETIRA....

** Un chuchubi a canta un Tumba cayente cayente den oreo di DEN AMBIENTE, cu na e radio station fm CANAL 90, mayoria di e locutornan tin pensa seriamente pa pidi nan retiro. E chuchubi a duna di conoce cu ya caba e locutornan a solicita na diferente radio-emisoranan, manera e.o. Top 95 y Radio Galactica. Mas despues e chububi a bolbe pregona, cu dia 14 di februari, pues dia di enamorados, e popular Roberto "El Gordo" Geerman lo divorsia for di Canal 90. Durante aña 1996 e chuchubi a canta, cu lo bay tin hopi cambio den Canal 90...